

QUÆSTIO MEDICA,

Cardinalitiis disputationibus manè discutienda in Scholis Medicorum, die Jovis 19 mensis Martii 1716.

M. GUIDONE. CRESCENTIO FAGON, Antiquiore Scholæ Magistro, Regi defuncto à Sanctioribus Consiliis, ejusque, dum viveret, Medico Primario, Horti Regii Parisiensis supremo Moderatore, Scientiarum Academiae Socio Honorario, Præside.

Litteratis-ne salubris Casè usus?

I.

MEDICINAM ad libitum cavillatores laceffant, eam semper à conjecturalis scientiæ opprobrio Diætæ necessitas vindicabit. Hygieines legibus uterque sexus, ætas omnis, quælibet conditio adstringitur. Rerum naturalium usum variant temperamentorum, morum, ingeniorum, locorumque discrimina. Non iisdem aluntur cibus Ruricolæ ac Oppidani; victûs rationem aliam Principes Magnatesve, aliam Cives Plebeiique postulant. Suos habent morbos otiosi Divites; habent & suos Opifices innumeri. Tot Artium, tot peculiaria in morbis Symptomatum genera. Musarum alumnos, genus Virorum nobile, non earum tutela, non ipsa studiorum dignitas incolumes præstat. Numerosam nimis ægritudinum seriem, laborum suorum stipendium, heu! sæpius experiuntur. Hatum prima origo in animo posita est. Immoderatum sciendi cacoethes, famæ apud posteros cura, inanis auræ appetitus, æmulationis stimulus, quæstûs plerumque aviditas, pathemata sunt quibus Litterati Homines miserrimè exeruciantur.

II.

QUANTA studiorum, tanta ingenii laborum varietas. Politicioribus ille Litteris difficilem operam navat; hic sui oblitus in altâ meditatione Metaphysicâ mergitur; historicis criticisque disquisitionibus alius incubat; ille carminis metri, aut numeri aucupio torquetur; palam dicturi Orator, Causidicus, Ecclesiastes assiduâ repetitione memoriam fatigant. Singulorum multiplex illud opus uno spiritum animalium dispendio exercetur; è massa sanguineâ in cerebro secreti ad naturalium functionum voluntatisque obsequium in nervos fluunt. Generosi liquoris hujusce major minorve jactura studiosis morborum ferè omnium fons est. Afficitur primùm stomachus, vitriatur digestio, succedunt ructus

acidi nidorosi, nausea, vomituritiones ac Colici dolores. Chylus minus ritè defæcatus exquisitâ suâ conditione orbatur, sanguineam molem inficit; hinc secretiones depravatæ, hinc lymphæ minus alibilis, hinc macies, genarum pallor, alvi pigritia, Arthritici, Nephriticique dolores, Calculus, Hydrops. Ex sanguinis verò visciditate, statariæ vitæ supplicio, infarciuntur viscera; undè membrorum lassitudines, melancholici affectus, Icterus, Hemorrhoides, Asthma. Totam malorum turmam pro cuiuscumque temperamenti, victûs & studii genere variantem numerare magnum opus; quantò majus præstiterit, qui illis salubri ac grato quodam potu è familiari hygieines penu deprompto occurret.

I II.

SEMINIS Rēpublicæ Litterariæ salutiferi cognitione ætas nostra illustratur. Multa de ejus historiâ commenti sunt quamplures sæculo proximè elapso, nova referre nostro datum erat. Arbor quæ illud producit, unico Arabiæ Felicis solo gaudere credita, improbâ arte Amstelodamum à Batavis translata, in Regium Parisiensem Hortum successit. Hic * educata ad Jasmīni genus rectè revocata est, Ramis hinc indè binatim è caudice enascentibus assurgit; cortici cinereus inest color. Folia ex singulorum ramorum nodis bina ac ex adverso posita erumpunt, Laurinis ferè similia, hilariùs tamen supernè virentia, infernè pallidiùs, molliora, saporemque odoremque nullum atomaticum spirantia, Albi flores monopetali ex ipsis foliorum alis enati, brevi pediculo nixi, Jasmīneos Hispanicos referunt. His odor suavis, levis licet; stamina quinque medium floris occupant. Fructus ex pistilli floris parte infimâ oritur; Calyce tetraphyllo viridi ac perexiguo infusus, primùm virescens Milii magnitudinem, dein crescens Cerasum adæquat, mox rubescit, ac perfectè matutus ex rubro infuscat. Huic caro subrubra, nonnihil viscosa sapore ingrato, exsiccata fit gravior, geminam frequenter, rariùs unam involvit capsulam friabilem, subluteam, tenuem, ex unâ parte gibbosam, ex alterâ quâ junguntur invicem planam. Capsulæ involucro reconditur Semen ex viridi albicans, callosum, ovatum, convexum suprà, subtrûs aliquatenus planum ac profundè in medio sulcatum. Cofè nuncupant Batavi & Angli, Galli Café. Ducentis tantùm abhinc annis seminis hujus vis in Arabiâ innotuit. Ferunt capras noctu ab illius esu salire visas observationi locum dedisse, harumque exemplo Yemeni Monasterio Præpositum quemdam expertum Monachos inter divina noctis Officia dormituriētes, hujus infusi potu experfectos habuisse. Assēverant & Mahumetanum Sacerdotem eadē ope diutiùs cæteris Musulmannis nocturnas preces producere solitum: Vera sint an fabulæ, nihilominus constat virtutem animos absque turbâ à somno excitandi primam in Café infuso fuisse observatam. In deventis ad nos è Mochâ feminibus delectus quidam ad efficacem usum confert; minora ac subviridia grana majoribus iisquæ albescentibus præstant, virtute ac pondere. Nitida ac involucris spoliata-torrentur in fictili vase patenti potiùs quàm aheneo aut ferreo cooperto; color

* Vide *Art. Reg. Scient.* ann. 1713.

ex cæruleo nigricans exquisitæ torrefactionis gradus est; molâ trusatili clausâ rectius quàm mortario ad quantitatem ex tempore necessariam conteruntur. Unaquæque ferventis aquæ libra pro unâ pulveris in eam injecti unciâ salibus sufficienter imprægnatur. Has potûs hujus parandi leges quadraginta annorum experimenta in Europâ docuere.

IV.

R E R U M saluberrimarum ea est fors, ut exitiales abusu fiant: Multa ad alimentorum potulentorumque salubritatem adjuncta externè concurrunt. Café infusum aliis salutare, aliis inutile, aliis detrimento vertitur. Sorbentis temperamentum, dispositio, sorbitionis ratio, causa, tempus; singula hujus bonitatem constituunt. Nec omni conditionum generi convenit: sibi congruam iniquè autumarent duris corporum exercitationibus addicti, novam morûs dissipationisque causam respuit eorum sanguis assiduo jam labore attritus. Potum hunc Litterati imprimis aliquot abhinc annis sibi arrogarunt, peculiarem hunc eorum conditio postulabat. Vinis, Cerevisiâ, Pomaceo haud satis præter prandiorum cænarumque tempora juvantur; minùs efficacia his communibus potulentis auxilia quassatum studiis caput experitur, imò eorum usu aut obnubilatum gravatur, aut pro momento allevatum statim concidit, fitque novo oneri impar. Suppetiasne exinanitis promptiores ferent spiritus ardentes vulgò dicti, è vinosis hisce liquoribus elicit? suâ quidem vi actuosâ præsentem è languenti ingenio scintillam educunt, sed brevi extinguendam, nec sine inordinato superstitum spirituum animalium motu, nec sine oris siccitate, inmodico corporis ardore ac viscerum obstructionibus. Læsamne in ventriculo coquendi facultatem levis aquæ potu rescient? illa cibos quidem contritos diluet, explicabit, fermentationique aptiores reddet, perfectæ verò chylificationis producendæ impos nausæas & ructus movebit. Negatam ab aquâ simplici opem in Thée infuso forsitan invenient? quam autem illud præbebit cujus sudores urinamque ciendi munus est, spiritus amissos non instaurandi. Numquid citius Chocolatæ usu rescillabuntur? obstat crassioris olei copia abundans Cacao quo depfitur, novum stomacho pondus, digestu difficile, Cardialgiæ nonnunquam fomes. Hæc quæ in variis potibus ex fermentatis fructuum succis, vel ex foliorum aut seminum infusis desiderantur, unicum Café tostum ad selecti hujus hominum generis incolumitatem præstabit. Miræ virtutis causameducta illius torrefactione principia indicant; partium oleosatum salino-volatilium quibus turget, copiam probat recreans odor nulli similis à circumfusanti oleo latè diffusus. Excellentiam arguit compacta ejus textura, quâ concremationi diutius resistit, dum pleraque plantarum semina vel leviori ignis vi in carbones principiis spoliatos rediguntur. Nec totum quo Café constat oleum ad granorum supersficiem igne amandatum credas? & id singulare præ cæteris habent, ut ipso oleo intima eorum loculamenta scateant, saporemque gratum torrefacta conservent, non nisi triti pulveris vetustate immutandum. Quanta Litteratis tam salutarium principiorum singularis proportio non pollicetur? Quid ab infuso salibus suaviter hoc oleo intricatis non sperandum? Primus

salubrem effectum acceleratâ alimentorum divisione stomachus sentiet, digestionis functioni hac sorbitione factus aptior. Hic porus celerem sanguini motum salvâ ejus compage conciliando, liberiores secretionibus locum præbebit, cerebro spiritus animales suppeditando absque eorum influxûs ad partes alias defraudatione animos diutius applicationis vigiliarumque magis patientes reddet.

V.

MULTOS si audias, hunc in potum convicia ingerunt; utilem negant, quod jam in consuetudinem abiit; consuetudini servire Litteratos nolunt; eos moris tyrannidi obtemperare vitio vertunt; potionem hanc ludicræ occupationi magis quàm certæ utilitati destinatam, velut medicamen alterans proponi ridet; virtutes ad sorbentis cujuslibet arbitrium agere creditas tanquàm dubias spectant; quin & incommoda nonnulli illius ex usu recensent, constrictionem alvi, emaciationem, insomnias & quandoque fluxus dysentericos. Vanæ ratiocinationes minus attendentium ad seminis hujus rosti principia! futilia ignorantium insuli hujus convenientiam cum studioforum indole argumenta! Quæ obijciunt, illa sunt abusûs non recti usûs mala. Cautiones suas habet spectata hæc à quibusdam velut indifferens, ab aliis veluti noxia potio. Tutius frequenter propinabitur ab obesius facili studio incumbentibus, corporis desidîâ in Mulæo sagnatis, & in quibus bilis non prædominatur: rariùs utantur macilenti quorum sanguis acrior, iique sibi vel minori quantitate pulverem infundant, vel Amygdalino aut Vaccino lacte temperent, nec nisi præmissâ panis bucculâ, vel aquæ cyatho sorbeant. Quanto ad Litteratorum salutem præstantius cæteris potibus infusum illud quod, medendo, eorum sapit gustui, quod animum solo odore recreat. Quanti apud eos faciendus liquor cujus repetiti haustus pacatum sanguini motum absque spirituum animalium turbâ concitant, cujus sorbitio iis nulli ferè horæ diei non convenit; mentem manè acuit, hebetem excitat, hesternâ operis Litterarii compositione exhaustam inventioni aptiorem reddit; à prandio, digestionem juvat, ingenium ciborum mole obrutum ac Bacchi quandoque tumultibus caligans expedit; sub vesperum, capiti diurno labore exinanito auxiliatur, Cephalalgia succurrit; à cænâ, torpidos animos exhilarat, vigiles sustinet, memoriamque rerum noctu discendarum onere fatiscentem sublevat.

Ergo Litteratis Casûs usus salubris.

Proponebat Parisiis MICHAEL P E A G E T, Parisinus
Baccalaureus Medicus, A. R. S. H. 1716.

A sexta ad meridiem.

Typis JACOBI QUILLAU, Universitatis, & Facultatis Medicinæ
Typographi.